



半春倡和詩刻既成諸子謁序於余余曰諸子之
為是詩也流連光景雕刻物理則既爾矣抑詩之
所以作與夫所以名詩之意可得考而原乎諸子
曰盍言之曰聲音之起由律生也而律與曆同原
聖人觀中星以定四仲故八方之風各以四十五
日而自至揚子雲云聲生於日律生於辰穀律相
協而八能生馬防亦嘗奏請歲首令正發太族之
律奏雅頌之音以道和氣以順時令于是乎在今
之詩古之樂也淫蠹而不可聽與古戾矣諸子乘
流觀化極意命物其人為太平之幸民其詩即為



天地之中氣而一春之中不極其欲得半而止是傳所謂思而不淫也是蟋蟀之詩所為好樂無荒良士瞿瞿者也或者難余子以律曆言樂漢制十二均各應其月氣而五郊迎氣亦有四時之樂即靈臺之奏十二門詩具焉半春之旨不畸偏歟曰漢青陽歌膏潤并愛跂行畢逮霆發榮壘霞傾聽迄其時序所述不過雨水驚蟄而止而郊廟之祀用之以迓春祺諸子之稱詩節而不敢過不於古有合乎因為追探原始叙其語如此乾隆元年歲次丙辰仲夏十有二日同里杭世駿書

半春唱和詩

符曾葯林

乙卯二月中旬旬讀書樹谷寓樓於時春過半

矣樹谷約余日以一詩為課計得詩四十五

首回憶春風花鳥半消於熏爐茗椀之間此

唱彼和綿宵竟夕頗可人意因以半春名集

與斯吟者雨江槐谷樹谷也

春耕

青青方罍稻藂生帶犢吳牛隔壠鳴不用頻來勸

農語杏花原上早春聲

春山畫出脩眉濃巖壑窈窕浮嵐中人家茆屋隔
流水上下十里吹東風嬉春我欲入山去林外時
時聞鳥語試覓春光多處來山前山後桃花雨

江

長江幾千里浩浩春流碧鳧雁浴斜陽烟波愁遠
客

曉

普騰睡思困天涯起看蛛絲網日華不省曉寒緣
庶事滿階紅雨落桃花

晴

飛來乳燕開檐牙薄日初晴散曉霞
寒食東風遶院看梨花

水

昨宵月黑山雨來空山雷轉驚湍哀江邊水漲四
五尺漁人舉網橫江開小舟掀舞風一葉大舟不
動高突兀中有汀洲生綠蒲鷗子鳧翁出復沒一
江水色青羅浮江花江草空悠悠東風日夜流不
盡都捲煙波卷裡收

城

樹隱觚稜出東風滿麗譙人烟臨古堞春水落平
橋燕子簾櫳靜楊花巷陌飄會尋山郭去醉赴酒
旗招

雪

誰道東風不作寒曉來吹雪點闌干亂隨蝴蝶尋
春去輕學楊花舞絮看徑草留青微欲掩屋山將
白又飄殘匆匆寒食城西路落向墻陰濕未乾

月

天邊月子幾彎環照出桃花滿意看不是霜風飽
玉兔十分清瘦怯秋寒

夜

落日不可留竹牕晚猶白月上海棠梢來照幽居
客愛此遙夜鐘聽我花間夕踏葉暝禽翻似飛鼓
榮榮坐久烟香空春苔滋露碧

花

芳華奕奕鬪香叢淺碧微黃小院中多少春光狼
籍處不關開落自東風

雲

春雲不鎖四山青吹近陽和暝不禁滢漾似波春
靄靄迴環如結翠悵悵將谿上晴方散遮過林

端晚欲沈衽訝鶉鳩啼又歇明朝催作釀花陰
雨約輕塵幾點飄朝來也說潤如膏誰知競長藤
蕪草綠過春田一尺高

燕

杏子花如雪芹芽香染泥年年春社近画閣一雙
棲

蘭

一箭幽蘭近石邊空山清氣約孤絃春來蛺蝶迷
香艸欲采芳馨又隔年

樹

老對經霜半析新綠岡覆嶺湯輪困一從昨夜東
風轉何處林柯無好春

茶

玉甃泉溪汲井華小團碾破紫蒙芽好乘春雨長
廊淨來試松風雪乳茶

波

水滿春湖遠接陂風來搖動軟留犁研羅細感溶
溶碧紋簾橫生瑟瑟漪鷗夢欲醒眠不定渚蘋初
貼葉旋移何當自泛蘭舟去容與波間到夕時

誰製青紗障江邊隔渺茫春颿迷遠浦苑屋翳斜
陽樹掩濛濛碧花籠淺淺黃因風忽吹散消盡莫
煙充

蝶

作團蛺蝶暖尋香春艸園林間夕陽裡自恠他金
粉褪花鬢添上一層黃

蜂

今歲游蜂好作家春來贏得早分衙蜜脾不裹蘭
膏獻恰笑紛紛鬧菜花

草

東風吹燒痕平楚青難了靡蕪遍處暖生香一片
綠雲晴不掃美人擲佩惜瑤華欲采芳菲空遠道
江南二月烟迷濛落花蝴蝶紛縈繞裙腰翠色接
天涯不知何處無芳艸夢裡池塘吟未終流鶯又
欲啼春曉萋萋愛傷玉階生只恐秋來長信早

鳥

一羣春鳥語飛上花梢立叢竹日斜時向人啼又
歇

郊

春昌口詩

葯林

五

流鶯喚我作郊行十里谿山好畫屏欲向東風問
消息桃花如醉柳如醒

一畝春陰
寐歷蘆櫳翠影深冷雲堆作屋邊陰春光二月猶
無賴清晝看山晚欲沈

柳

旖旎垂楊鬪舞腰
屢情不待柳花飄
纖描淺黛初三
三月綠覆橫波廿四橋
金縷誰歌前夜曲
玉人空度晚風簫
春來愁緒如絲亂
莫賦長條與短條

風

番番花訊自春風行徧天涯
綠霧中桃李不應猶
有恨只緣吹得易成空

漲

夜雨響春碕谿流直到門
曉來無客過
搖艇水南邨

冰

薄於繭紙清於雪
小榻梅花破裂紋
一片暎空消
未盡袪疑春水覆春雲

鴻

蘆根沙暖賦將隸
不待東風著意催
縱有相思無

處寫江南空自帶春回

衫

雪色春衫裁白紵道人
家服雅相便有時醉墨
污襟上到處落花吹領
邊桐帽棧鞵真穩稱竹
溪蘭圃共流連寒機莫
羨吳綾好只與歌姬舞
翠鈿

鶯

粟留飛上柳條青多學
楊花近戶遮啼盡春聲
不踈去更無人倚西闌
聽

履

翠痕留雨色綠印破苔
花借問阮遥集何如謝
永

嘉

暖

柳綿脫盡綠楊枝團扇
風流燕子知試覓冰紈
裁白袷暎風吹到困人
時

愁

火暖沈香筓未調玉人
心事總無聊春風過盡
綠陰晚一段清愁無處
消

星

的的春星出遥天夜自
明傍雲遲不渡帶月影
分清照水漁燈亂流光
野燒驚曉來猶未沒三
五挂

江城水館欲銷魂
天際暮雲空
望

山山晴氣佳
紫翠互滅起
望裡初朝昏
春峴踈眼

庭
天
大
數
光
香
驅
未
暗
玉
人
心
事
熱
無
何
春
風
豈
盡
然

晴波帆影兩夸
猶挂得新蒲
掌樣柔點上
桃花三尺

錦吹來香絮一
蓬秋輕移潭
底分青嶂遠
過溪

邊亂白鷗多少
東風驟去艇
卷時猶認莫
雲收

燈

蘭膏明焰照華
尊蘆底春風
客到門恰憶
秋宵成

獨坐雨窓寒燭
伴黃昏

不語自吟眠

吳蠶初上箔
苑柳乍回青
玉輦春風裡
何人夢未

醒

日

中酒心期惱亂
人水亭山館
寂寥身苦無
情緒消

鶯燕白日茫茫
過一春

事
心
閑
門
寒
良
苗
結
中

誰信春來斗作
寒雨斜風橫
打闌干閉門
擬學天

隨賦欲狀春寒
下筆難

山光到晚紫濛濛
流水斜陽綠靄空
莫道人家春事少
閉門明月笛聲中

我有雙玉琰
春醞梨花香
一醉不知醒
東風薄斜陽

歸

吹衣數到棟花風
縱有荼蘼昨夜空
春去綠牕鶯不語
自吟詩草夕陽中

半春唱和詩

春風

唐學潮雨江

朝來披拂葉初新
著處林亭見好春
吹得花開復吹落
封嬌自是有心人

耕

桃花雨過稻蕪齊
布穀催耕破曉犁
未午家人來饋餉
不愁陌上有春泥

雪

東風吹雪落無聲
祗見悠揚散玉塵
竹外香寒梅

照月花間夢冷蝶迷春獨吟柳絮清才好偷織弓
衣麗句新試一登樓望山色翠眉不似昨朝勻

曉

曉來春夢因花破起向東闌人不知花底忽逢雙
蛺蝶翩翩應笑我來遲

晚

細柳凝烟暝色沉蜂躑蜂散小園清晚風不怕寒
吹袂獨倚梨花看月生

鳥

隔花羣鳥趁時鳴啼出東風無限情願我吟懷如

百舌也隨鶯燕作春聲

星

草堂斜帶春星處歷歷天邊指難數就中我欲問
雙星如何只向秋河渡

月

月色穿花見愁多未肯眠為憐春夜永消得幾回

圓

柳

柳絮何曾陌上飄翠痕猶未鏡中描不知誰染鵝
兒色一夜東風過西橋

春色一江風色四鄰
春江渺無際岼草連波碧江水送行舟迴波幾時
歌

山

春雲澹蕩春烟空浮颯翠橫春風春山不肖露
瘦骨但覺一抹呈春容天桃花紅柳初碧群鳥嚶
嚶啼不絕成就春光滿十分暄和正是佳時節嬋
娟曉拂鏡奩塵黛痕描出宮眉新千巘秀色看不
足只拉雙蛾尾上春

望

嫩碧微黃一望中春山如笑倚東風誰家小閣花
梢出揜暎朱闌半尺紅

花

風信番番次第來吟情酒興兩相催就中窳愛丁
香好一夜吹將百結開

雨

春雲冉冉覆香埃春雨蕭蕭濕翠苔洗得玉梨粧
更好可知不是妬花來

雲

遮斷春山曉未開片雲便欲雨相催陰晴多半由

君作誰道無心出岫來

晴

東風吹作十分晴好鳥如歌盡日鳴試問春光誰
是主一遮紅雨落無聲

陰

曉日蒸花氣微雲澹作陰祗憐成雨易愁然惜花
心計番番六策來今靜面與雨睡對換中東盡下

樹

密葉亂濃陰人家帶春雨忽動故人思莫雲凝望
處

燕

秋風曾憶別苑堂春社仍尋舊日梁穿破綠楊烟
外影啄殘紅杏雨中香玄玄國在應辜夢盱眙樓
空合斲腸養得雛成春已老遮前教語看回翔

鶯

公子金衣舊有名飛過新柳織難成上林羨爾春
來早獨聽東風第一聲

携得床頭新熟酒花前日日聽鶯來詩情不敵春
光盡消得普騰醉幾回

風來花底靜飛香月上花梢照淡粧燕子不知春
夜好只貪香睡在雕梁

忽聽松風瀉處聲故山春雨夢中驚一甌雪乳香
生類吟得新詩似水清

梨花蒸雨滴春槽脈脈春愁已半消擬共玉人花
底醉一痕眉月映紅潮

暖

如豆青梅日漸肥新裁白紵試春衣柳花不耐東
風暝也脫輕綿處處飛

寒

一片春陰暝欲沈瀟瀟微雨薄寒侵為憐遮院如
秋淡半破梨花晚不禁

寂

一生能着幾兩四時惟覺春忙踏去不知草淺隄
來猶帶花香

輕風斜日送暄和初換春衣試薄羅袿覺一襟花

半春唱和言
氣重不嫌雙袖酒痕多
脫來徑欲眠香月
着處偏宜映碧莎
為語黃衫遊及早
莫從時去嘆流波

水

春水連天碧
無風亦自波
春愁試相擬
似此水還多

蜂

小圃開遊蜂
采徧花間樹
惜不及梅花
梅花味清苦

蝶

翅粉纔乾
染露晞
百花開日
趁芳菲
有人相妬花

陰立莫近輕羅小扇飛

愁

東風未破丁香結
無限心情愁脈脈
一番風信一番花
春光與我同為客
坐消白日到昏黃
漸恐青絲變華髮
莫怨春將愁共來
只愁愁在春無跡

漲

桃花漲滿溪波影
搖春柳處處沒
漁磯閒却垂綸手

烟

掩映林花上柳梢
輕疑香霧薄
疑綃晚風吹得渾

無賴一縷濛濛淡欲消

鴻

春色江南好胡為爾獨踈試看雙燕子只解戀春

暉

波

暝氣能消水影空春流容與一溪中簾鋪文綺枕
花雨鏡展香奩柳葉風夢入鷗鳧愁瑟瑟晚縈烟
靄碧濛濛渾疑織就魚鱗錦寸寸回文宛轉工

郊

挈得青絲雙玉餅春郊隨處屐堪停岳岳楊柳茸

茸草暎出春山翠一屏

城

花暎珠簾柳暎橋春風釀熟酒旗招紅燈市散剛
三鼓隔院猶聞吹玉簫

蘭

礧外羅生碧葉新空山流水淡生春孤芳別向東
風展不着人間一點塵

結句思如冰風前大來

疎星幾點落春河漠漠寒生水際多鷗鷺不知何
處宿一奩玉鏡靜無波

兩岼春山翠色堆木蘭舟倚片雲開鸞鸞帆腹休
誇飽憑仗東風借力來

草

東風一夜徧天涯吹得茸茸草吐芽池水綠時春
入夢燒痕青處客思家踏殘暮雨遊山屐碾破朝
烟西轂車羨爾多情惜芳景裙腰一道點飛花

眠

兩竿曉日擁青氈衽覺春來睡作緣比似垂楊尤
懶起垂楊一日只三眠

燈

照壁金虫吐風搖燭影斜為憐深夜裏春色入燈
花

躑

遊蜂猶自戀花枝芳草斜陽欲別時想得東風亦
惆悵如何只有半春詩

聞郎吹笛只育半春指

玉釵自戀芳林芳草除新綠

相與春風亦

銀鑰金匙扣風聲

登

半春唱和詩

俞大受槐谷

剪水霏霏簾外斜

悠揚吹得遍天涯

輕沾芳草疑棲蝶

細點垂楊亂作花

幾日春充消酒琰

半分寒色薄

牕紗幽情更有何人解

石鼎來烹綠雪茶

風訊寒梅後幽香不染塵孤絃寫遙夜空谷淡生

春

縱目憑高樓遙岑橫寸碧芳草映迴溪輕烟籠遠

陌望望暝禽還斜陽淡花夕

曉烟如霧滿春郊漠漠輕移過畫橋暎水欲迷千

頃碧看花疑隔一重綃風迴遠岫吹難斷雨霽平

林薄未消苑屋誰家尚高卧任他門外幾痕飄

冰

薄薄春冰約水痕輕寒凝處暎空明誰家小艇溪

邊出碎裂玻璃細有聲

漲

略約橫溪畧遠村綠波無際漲生痕昨宵添得枕

花雨岼岼人家水到門

日

春來天氣乍晴陰詩酒情懷爾許深當戶好花供

快飲窺簷啼鳥和清吟露垂碧草風初暖雨過香

苔日欲沉幽興可堪還卜夜一痕眉月落衫襟

鴻

半春昌口詩

槐谷

一

雲外踈鴻望影沉
蘆根沙暖已春深
南來不帶平安字
帶得春愁亂客心

陰

欲雨不成雨
晴陰忽變時
但雲淡
春色薄
霧掩香枝
蘆靜清詩境
風寒覆酒卮
試看蜂六嬾
寐寐採花遲

山

春山雪盡吹春風
盡屏一摺青
龍從窮陰轉
眼變芳節
天外忽覩脩眉
濃蜿蜒迤邐
各有態
画手誰敢描
春容世人只解愛
花柳翠微佳
處寧留踪輪

蹄雜沓日變換
青山千古新
無窮柴門欲掩
更回首一規
月上山之東

酒

携得尊中綠
來尋樹底紅
黃鸝解相勸
日日醉春風

晚

蕭疎新竹晚風敲
寂寂香苔樹影交
月色似憐花欲睡
一痕先上海棠梢

燕

柳外一雙玉
剪殷勤相待鈎
蘆細語商量香
夢却

教繡線慵拈

樹

東風拂拂度林梢便覺當前景物饒
山崦人家春寂寂林亭客思遠迢迢
微黃嫩碧紛相映薄靄輕烟淡易消
芳樹坐依終日好不煩啼鳥更相招

風

柳

春來柳葉翠眉濃披拂河橋綠影中
解得行人多少意臨流盡日西東風

首一賦風鶯

月映柳絲黃金衣沾露重趁曉只啼春
不管香闥

夢

燈

蘆幕重重燭影斜暖風輕逗小牕紗
蘭膏穩注金缸滿吐出釵頭百結花

履

携將蠟屐出春城春色都從齒畔迎
芳草綠深空有跡落花紅軟寂無聲
千山踏遍朝烟破一笠踈來暮雨生
堪笑此生能幾兩阮家何事獨關情

帆

新柳垂隄兩岼迎蒲帆十幅鏡中行
如弓滿處君

知否未必東風日日生

雲

晴空萬里氣澄清
漠漠雲飛出遠林
翠岫忽遮春黛瘦
綠波但映晚烟沈
東風吹去輕無跡
花雨飄時淡作陰
却恠夜深香月上
清光頻掩是何心

江

春江綠染雨餘天
江上何人倚櫂邊
千點桃花三尺浪
分來恰占白鷗眠

寒

花歛怯春寒
愁作丁香結
胡蝶不踈來
春心向誰

說

愁

瞥眼年光忽忽過
近來情緒亂如何
一尊新釀消能幾
百尺春風感倍多
芳草斜陽成寂莫
梨花香月又蹉跎
此心欲說終難說
試看東流不斷波

花

欲將花事問東風
消息番番春意中
却笑梨花能作醞
開時不及醉顏紅

茶

鶯籠勞封裹
開緘香氣新一旗
初展處想見故山

春

夜

誰家織手夜調笙月向新黃柳外生
羨殺西梁雙燕子香泥夢好寂無聲

月

雲淨烟空暮色幽一規月上海東頭
移來花影明于晝映入波光冷似秋
屏掩晚風春寂寂燭殘繡幃夢悠悠
誰家獨解遲眠好遠送簫聲出西樓

郊

春榼携將出郭來波光山翠兩縈洄
樹頭啼鳥遶

人醉恰恰桃花是處開

雨

幕幕輕雲乍作陰一天酥雨淨無塵花
垂紅泪枝枝瘦柳帶微烟葉葉輝山色
潤添千疊翠湖波冷占一番春巾車准
擬初晴後試向郊原展画輪東

衫

雪色輕衫稱體裁初晴天氣暖相催
翩翩雙袖臨池立招得春風入手來

耕

布穀曉催耕村村芸鼓鳴一犁春已破
壠上稻初

生

綠柳對綠林林若楚鳥一舉春已如歸土節始

蜂

辛苦過三春織腰才一捻同是愛花心却妬尋香

蝶

香連深醉蝶舞天原對時對臨臨其由語

星

花外熒熒永夜明清光如月映林亭斗杓一夜東

風轉春色先應到柳星

波

天柳雨無聲外無工時林

桃花水漲欲浮天楊柳風來感浪圓輸與能言隻
鴨子綠頭輕沉破春烟

草

東風來處渾無跡吹成一片青青色陌上相逢鬪
草來閨中引得香輪出幾點飛紅繡綠茵裊腰一
道斜還直無限懷人南浦情年年搖漾春波側

暖

午睡醒來蝶夢空一庭花氣暖初融香羅著體猶
嫌重却捲珠簾散柳風

水

春風拂拂水面來綠波碧浪相滌洄笙歌一道放
船去花枝掩映浮亭臺春艸沿堤吐新碧上下天

光同一色更有垂楊千萬條波痕絲影縈如織我
來垂釣春江濱懸餌終日無魚吞漁竿收拾且踈
去烟波回首空黃昏

魚重味難辨魚重味難辨
花鬚冉冉沾香露金翠離離點碧苔轉眼不知春
已老還從樹底覓春來

海棠枝上雨初乾蝴蝶紛紛又作團日上遠山橫
画軸一層新翠帶晴看

鳥

嚶嚶春鳥喚春風祇覺清歌處處同一自花開啼
到落春光來去鳥聲中

城

初日烘霞遠黛浮一城春霽曉烟收綠楊處處黃
鸝巷紅杏家家燕子樓却趁暖風邀鬪草還分香
月照葳闌朝來又近清明節画轂相期更出遊

曉

喚回春夢綠窓中啼鳥檐前弄好風起看小桃開
也未一枝初破露猩紅

眠

花影窺簾日滿墀流蘇幃暖困難支春蠶食葉初
停後人柳搖風乍歇時窗外流鶯空自喚夢中蝴
蝶有誰知癡情却自憐香月每到更深睡獨遲

隸

東風消瘦春跡去留得殘花吹晚香四十五天春
正好聯吟忘却半春忙

半春唱和詩

符元嘉楹谷

春日

日暖花草秀倚闌消春光蝶來送好句清思如花
香句成香滿絙一片春茫、問春、不語聊復此
徜徉

水

桃花一夜雨新水碧如山便欲尋漚鷺烟波暝未
還

鴻

青蘆不用再相啣知有鄉心總未堪社雨晴來便
踈去肯因春好戀江南

雪

東風吹起柳初醒便乞楊花舞一遶竹雀無聲春
寂石苔微濕點星不知蘆映雲光白但覺寒
生燭影青冷燠於今誰更問試看門館亦常扃

曉

天邊一抹綻紅霞知是朝來散日華起向林亭檢
花事杏花顏色讓梨花

酒

新醞香生甕應管騰醉倚東風酒國自餘春意鶯
花盡付杯中

暖

春氣日已蘇暄風吹衆綠新水不生寒鴛鴦相並
浴

雨

浙瀝生寒峭翻成二月秋檐聲驚燕語花氣亂春
愁山影渾如霧斜陽不到樓晚來衣帶潤還復覓
香篝

風

迷濛水影半帆低楊柳風來送遠溪十里紅香春
一國白雲吹落西橋西

澹月籠生薄涼烟光滿地夜昏黃雪狸踏破梅
花影散却清愁一院香

郊

春在郊原浩蕩中水濱亭館曲相通暖風歸柳全
抽綠細雨催花半吐紅山擁晴嵐披絮出樹分殘
靄散烟空匆々落日遊人去更待明朝試玉驄

眠

曉雲罨蘆幃濃睡如春茗門外小桃開流鶯啼不
醒

寒

料峭風生寒花房斂顏色燕子已跡來伴我熏爐
側

山

春山姚冶如青娥一重一掩參差多礧邊雜芳被
花草意行無路緣坡陀山頭杉櫟大合抱時有松
鼠穿林過峰迴更闢異境出洞壑窅窕垂藤蘿好
風忽送時鳥語但覺耳畔聞清歌展音欲西筆不

到數點黛色橫烟螺山寺日暮白雲滿鐘磬互發
殷巖阿會借僧廊憇小榻夜看明月登高柯

柳

嫩芽金縷短新葉翠眉長不到吹香絮離人已斷
腸

冰

春流平岬不生瀾一片玻瓈隔水看盡說東風能
解凍如何湖面尚凝寒

星

斗柄初回後春星疎復低窠宜花月夜數點草堂

西

陰

春光澹欲無崇岫匿山影雲迷晝冥々牕暗銀屏
冷香霧籠蘆衣殘花落紅杏境清人意清耳際喧
寂屏微陰斂餘寒落日送頽景風磬一聲飄空林
遠生靜

花

遲日繁花欲醉人曉勻顏色露香新東風不信來
無意試看吹開一片春

耕

東村一

對谷

四

原上稻初青村、事東作一聞秧馬穀知有豐年
樂

漲

前溪新漲滿但覺響潺湲草長平春渚鷗眠沒遠
灣水分支港去流向別邨環小艇隸何晚斜陽半
在山

衫

新裁白紵換輕裘要趁春風處、遊却值梨花落
香雪吹來染得一襟愁

蜂

樹、樹香好蜂、釀蜜回苦甜嘗已徧到
堆、堆

波

新雨初添舊漲痕碧波如簟感斜紋鷓鴣幾點忽
飛起衝破一奩寒綠分

茶

活火閑烹蟹眼湯乳芽新展嫩旗槍清風破却楊
花夢綠雪吹來竹塢香細碾小團天上月勝餐雲
液露臺漿客來莫笑偏多厄正好消磨白日長

春風鶯鶯

春風著意送啼鶯翠幕流蘇曉未醒不管春愁與
春恨盡情喚起玉人聽
曉望浮嵐散遠空紅樓十里酒旗風綠楊芳草已
如此多少人行香雪中

滿眼梨花白滾宵欲二更忽聞流吹響風裏玉簫
聲夜色橫林碧香枝蘸月清酒闌春思寂微覺嫩
寒生

風

東風祇覺一春忙日日吹來陌上香新綠新紅雖
藉汝莫將花訊做顛狂

蘭

蘭秀當深谷清含珠露膏幽香春亦淡孤韻格尤
高花入燕姬夢琴踈楚客搵携來貯書屋相對誦
離騷

屐

夙抱耽山癖乘春蠟屐行落花紅點處香雨齒邊
生

雲

浮空靄_七紛如絮暎水霏_七暖不禁一段曉寒凝
不散看他遮過屋邊陰

城

觚稜碧色暎崇柯何處林巒却占多雉堞橫雲臨
曉日城壕綠水漲晴波花前酒勸人人醉樓上聲
傳寥寥歌更說明朝春社近定知蘆箔燕來過

蝶

柔鬚薄翅粉為姿香暎成團欲舞時慎莫近花高
處去是中須避有蛛絲

晚

落日下秋千遠林香影碧花風滿意吹酒醒春寒

夕

江

清江宛_三縈沙曲江流一瀉無邊綠試看孤艇自
搖春歷歷汀洲紛在目夾岼風吹楊柳花晚潮卷
雪夕陽斜喚船渡口賣魚客橫笛林中沽酒家人
生只合臨江住水鳥沙禽雜雲樹似展黃癡萬里
圖江外峰青不知處

烟

花氣薄烟籠迷_三曉影空一痕吹不斷消却是東

風原戰... 郊外空一... 不... 東

晴

風際嫋遊絲晴香捲花陌點... 遠山明春光到天

草

春草淒以綠得雨滋更繁盤青欲沒... 門宛... 風自偃依... 蝶來翻復抱生意感宵負微

陽暄

樹

杈杆烟對無數東風窳好江南寫出一林春色就

中多少榷楠

鳥

風和衆鳥喧啼得花如雪殘夢喚初回春心迷百

愁

閉門寂莫對東風撩亂飛花處... 紅柳絮情懷春
夢短酴醾心事酒杯空苦無可賦酌芳草只自閒
吟寄遠鴻一寸相涵千百結朝來欲解倩誰攻

燕

燕子踈春社珠簾高下飛尋香花底過紅雨點烏

永子親春林和戴高不飛長香外或遊珠雨蝶鳥

燈

熒₃銀燭畫屏開連夕琴歌間酒杯一自落燈風
過後小牕依舊照書來

賅

落盡紅香酒琖邊柳陰如霧復如煙已分春色賅
詩卷恰笑東風屬杜鵑流水自牽芳草恨朱門空
有玉人憐明朝別具閑懷抱婪尾吟來又一年

秣陵鄧永昌鐫



